

С  
К-65  
31203  
Д.

К О Н Ю Х О В

31787


# ЗУМЫД

ВОСЬКОЛОНЕ


СТИХЪЯС

КОМИ ГОСИЗДАТ

1 9 5 1







Д. Конюхов

ЗУМЫД  
СОСЬКОЛОН



Коми Госиздат  
Сыктывкар 1951

БИБЛИОТЕКА  
Респ. Краев. Музея  
Коми АССР



## ЧУДЕСНОЙ РОДИНА

Калининградын кодыр  
Кодзулөссьö енэж,  
Ключевскöй сопка весьтын  
Дзирдалö нин шондi...  
О, кутшöм любö,  
Рöдинаöй, меным:  
Оз бердлы шондi  
Тэнад горизонтысь!  
Чудесной му!  
Чудесной йöз тан олö.  
Оз сюр дзик некöн  
Некод  
Сылы равной!  
Рубинöвöй звездаясыс  
Москвалöн  
Пыр югдöдöны  
Енъяслысь держава.  
Субтропикьяссиянь  
Кöдзыд Хальмер-юöдз  
Удж фронтын муно  
Чорыд наступленье,  
И сэн,  
и тан  
Энергияөн пуö  
Сöветскöй  
закалённой  
Гордöй племя.

Зэв долыд меным  
Мездлунлөн странаын,  
Көн уджын мортлөн —  
Гаж

и шуд

и ставыс,

Көн вок котырын

Коми

Откодъ пайын,  
Көн аддзис морт  
Тыр олём вылө право.  
Тэд слава,

Партияным,

Сьөлөм мян, умным!

Тэ олём осьтін,

Сетін выль Отчизна!

И тэнад знамя улын

Повтөг водзө мунам —

Пыр матыстамö лунсö

Коммунизмлысь!

1947.

## МАЙБЫР ОВНЫ

Пуо олөм миян кыпид горөн,  
Вой и лун оз ланьтлы өти сутш:  
Йөз сөветскöй аслыс шудлун дорө,  
Вөчө мирын аддзывлытөм удж.

Коді став вын Рөдиналы сетө,  
Медым сійө ещө лои ён,  
Сылысь нимсө кытшалөма честьөн,  
Сылы миян медся ыджыд дон.

Смертнöй бойын звермөм врагөс вермим,  
Мирнöй кадын сьökыдлун оз кут.  
Пөсь бур уджөн йөзлы кокньод перйөм —  
Миян мортлөн медся ыджыд шуд.

Коді став вын Рөдиналы сетө,  
Медым сійө ещө лои ён,  
Сылысь нимсө кытшалөма честьөн,  
Сылы миян медся ыджыд дон.

Майбыр овны паськыд вöльнöй муын,  
Шудө öдзөс ставлы восьса тан;  
Быдмим ёна, водзө быдмам-туам,  
Судзяс вын и тырмас миян сям.

Коді став вын Рөдиналы сетө,  
Медым сійө ещө лои ён,  
Сылысь нимсө кытшалөма честьөн,  
Сылы миян медся ыджыд дон.

1947.

## МИЯН ПРАЗДНИК

Алөй стягъясөн,  
Зумыд шагъясөн  
Арся ывлаті тувччалам ми.  
Төвру ворсөдчө,  
Флагөн шпорөдчө.  
Сьолөм выланым — радлунлөн би.

Вына олөмсө,  
Кыпыд сьылөмсө  
Вайис татчө великөй Октябрь.  
Зумыш войвывным  
Вежсис мойдын моз.  
Вөччөм ичмонь кодь виль Сыктивкар.

Ыркыд сынөдын  
Кывтө сьылөмным.  
Тайө — вермөмлөн вынйөра гимн.  
Тырмө уджаным  
Писькөс удаллун —  
Збыльө портам мечта—Коммунизм!

Медым югыдыс  
Сявкйис му вылын,  
Медым став мирын вөлі век мир,  
Збодьөр томлунөн  
Ещө ёнджыка  
Мөдам уджавны ордйысиг ми!

## ПЕРВОМАЙСКОЙ

Банйом нывкаон ывлаыс сералө,  
Шонді лышкыда коялө зарни,  
Кумач гыясын улича вералө...  
Дзирдав, Май,—

став народъяслөн праздник!

Отсер воськолөн тувчөны радъяс,  
Чолөм шыяс пөвст музыка грымгө;  
Тайө—радлун да шуд миян кадлөн,  
Тайө—ленинско-сталинской вынйөр.

Кыдзи югыдлань кысьё став быдмөг,  
Сідзи Кремль вылө видзөдө мирыс.  
Миян другъяслөн лыдыс пыр быдмө,  
Капиталлөн мир исковтө йирө.

Уолл-стритса вампиръяслы шуам:  
— Провалитчасны тїян пеж планъяс!  
Ми, советской йөз, крепыда кутам  
Мирлысь,

шудлысь,

победалысь знамя!

1950.

## ВУНОДЛЫТОМ ЛУН

— Тэ аддзылін?..  
Вай чөвлы, радио...  
Но, висьтав, донаой,  
Дзик ставсө,  
по порядку.

— Эз, эз на вөвлы  
Менам татшөм лун!  
Ми мунам стройөн...  
Гөгөр кыпид, ломзьө...  
Друг аддзи сійөс —  
Миянсьыным шуд,  
Миянсьыным  
Луншөр югид шондјөс!  
Трибуна вылын —  
Мудрөй Ыджыд Бать,  
Великөй и прөстөй,  
Кыз бессмертной Ленин...  
А сылы быдладорсянь  
Гыалө «ура»,  
И радейтөм, и слава  
Юргө сәні.  
Сы морөс вылын  
Дзирдалө звезда...  
Став йөзөс вождьным  
Чолөмалө кинас.  
Ме ставкөд  
Кузь нэм сии,  
Коми ань,—



Эз вай мем гажсö  
Сэки аслам удж,  
И курыд олём эськö  
Сьöлёмöс век ёнтис...  
Ме—помтём шуда:  
Ме—сöветскöй морт!  
И муса тан  
Быд ю,  
        быд пу,  
                быд чалльöг!..

А челядь ывлаын нин,  
Дзольгö визув гор:  
— Мама аддзылöма,  
Аддзылöма  
                        Сталинöс!

1948.

## РЕСПУБЛИКАӨЙ МЕНАМ

О, тэ, Республикаөй менам,  
Веж саридз пөвстын выльмөм му!  
Ме прославляйта сідзи тэнө,  
Кызд кузь вой бөрын пуксысь лун!

Мем мусаөсь сөдз ёльяс, юяс,  
И войвыв енэж югыдлөз,  
И лөсьыд статя пожөм пуяс,  
И татчөс зіль да скромнөй йөз.

Кызд светөн ойдөм тувсов кадө  
Зэр бөрын путкыртө том сад,  
Сідз ыджыд олөм сөвмө татөн,  
Пыр унджык содө шудлун клад.

Зверь-пөтка койташ вөлі көні,  
Сэн быдмис мича, гажа кар,  
Сьөд кизьөр зарни сэтысь өні  
Бек унджык сетө том Ухта.

Сөветскөй мортлы абу мытшөд  
Ни нюр, ни вечнөй мерзлота;  
Суров природакөд ён тышын  
Со кыптіс озыр Воркута.

Бур козин тыра эшелоньяс  
Кузь туйө колльөдө тайга,  
Оз кутны найөс нюрьяс, сёньяс,  
Оз сувтөд төлын скөр пурга.

Лөнъ Эжва зеркала кодъ шыльыд,  
Сэт кывтö уна-уна кер:  
Вөр-пуыс мунö стройка вылö,  
Рудстойка кутас пыкны штрек...

О, тэ, Республикай менам,  
Веж саридз пöвстын вильмöм му!  
Ме прославляйта сідзи тэнö,  
Кыз кузь вой бöрын пуксысь лун!

Му лестук вылын кисьтліс ньылöм,  
Пу гөрйөн дзуртіг, менам ай.  
А öні öтув муяс вылын  
Нянь вундö-идралö комбайн.

Бать вöлі пемыд, кызди парма,  
Эз кужлы гижны сылөн ки...  
А öні вузын Сыктывкарын  
Морттуйсö восьтöны ныв-пи...

Зэв ыджыд-ыджыд аттьö Тэныд,  
Великöй кормчий, Сталин ёрт.  
Тэ восьтін йöзлы шуда нэмсö,  
Тэд медся дона уджлөн морт.

Тэ нимөн Рöдинаöс дорйим,  
Тэ — миян разум, миян вын.  
И талун кывтö кыпыд горөн  
Победа йылысь сыланкыв.

Быд бурсö сиам нимлун кузя<sup>1</sup>:  
Пыр водзлань дзордзалас мед му,

---

<sup>1</sup> Коми АССР-лы XXV во тыран лун.

Век ёнмас мед пöсь ыджыд дружба,—  
Сы сайын мян — вын и шуд!

О, тэ, Республикай менам,  
Веж саридз пöвстын выльмём му!  
Ме прославляйта сідзи тэнö,  
Кыз кузь вой бöрын луксьысь лун!

1946.

## ЧУЖАН МУ

Сійӧ му менам некор оз вун,  
Кӧні море моз шыльквидзӧ парма,  
Кӧні лунысь-лун быдмӧны каръяс,  
Кӧні пуксис зэв шань, гажа лун,  
Сійӧ му менам некор оз вун.

Кӧні море моз шыльквидзӧ парма,  
Кӧні «Шондібан» сьывлісны рама,  
Сэні юралӧ стройкалӧн гор,  
Сэні олӧмыс паськӧдіс борд,  
Кӧні море моз шыльквидзӧ парма.

Кӧні лунысь-лун быдмӧны каръяс,  
Дзикӧдз томмис сэн дзор Заполярье,  
Нефтьӧн, изшомӧн козыналӧ му,  
Помтӧм пармаӧ водіс кӧрттуй,  
Кӧні лунысь-лун быдмӧны каръяс.

Кӧні пуксис зэв шань, гажа лун,  
Сэні олӧны вына колхозъяс,  
Сэні эз лоны пемыдлун позъяс,  
Быдмӧ, дзордзалӧ выль Коми му,  
Кӧні пуксис зэв шань, гажа лун.

Сійӧ му менам некор оз вун,  
Сэні чужлі ме, ӧввӧ-ӧв кывлі,  
Сэні бордсялі, уджала, сыла,  
Сэні аддзи ме ассьым шудлун,  
Сійӧ му менам некор оз вуң!

## ПАРТИЯЛӨН ПИ

Ми тодам сійос:  
Прөстөй, веськыд морт,  
Оз ышнясь аснас,  
Кывъясөн оз шыблась;  
И уджын сійө  
Вывті вернөй ёрт,  
И сьокыдторйысь  
Лөньтаслань оз зібъясь.

Пось сьөлөм ломзьө,  
Пуө помтөм вын,  
Оз өшөд кисө,  
Некодыр оз падмыв.  
«Төд,— шуө,— мөгтө,  
Гыяс вомөн сын.  
Мун водзлань повтөг,  
Сэки быдтор ладмас».

Став олөм сьлөн —  
Вөчны унджык бур  
Ас Рөдиналы,  
Медым шуда овсис,  
Мед зарни мичын  
Дзоридзалис му,—  
Та ради сійө  
Пуктас ассьыс ловсө.

Кор фронтъяс вылын  
Пуис адскөй бой,



Пыр вöлі сійö  
Миянлы примерön:  
Переднöй крайын,—  
Мужественнöй, збой,—  
Сöветскöй воин  
Чирсіс гундыр-зверöс.

Сталь воля водзын  
Пасьмуніс сьöд смерть—  
Фашизмысь мездім  
Рöдимöй странаöс!  
Кор татшöм войтыр,  
Некодыр оз берд  
Октябрьскöй тышын лэптöм  
Алöй знамя.

«Со сөкөл-пиыс! —  
Радуйтчамö ми.—  
Мый нимыс сьлөн?  
Коді сійöс быдтіс?»  
Бур мортыс тайö —  
Партиялөн пи,  
Страналөн гордость,  
Сталинскöй шань быдтас.

1946.

## ЮЗ НИН ГАЖӨДЛЫ НЫВЪЯСӨС ВАСЬ

Оз нин гажөдлы нывъясөс Вась,  
Оз нин рытъясын ветлы сикт кузя...  
Эстөн ылын эм паськыд Нева,  
Сийө кыр йылын Вась миян узьө...

Кыпид сьөлөма, дошлөй да ён,  
Васьө энотис Сыктыв ю нөрыс:  
Мунис фронт вылө томиник зон,  
Нуис муса двухрядкасө сьорсьыс.

Мыйта шуд, мыйта гаж, мыйта мич  
Водзын вощылыс, дзирдалис, ломзис!  
Сөмын врагысь кө мездлун он видз,  
Дзикөдз саймовтчас асья сөдз шондi.

Биа скөрлунөн тышкасис зон  
Мездлун пөдтыськөд славнөй кар бердын,  
Төдис вөльнөй бур олөмлысь дон,  
Эскис — правдалөн делө оз бердлы...

Ваймис бояслөн доналөм гор,  
Мирнөй удж бердө кутчысим пөся...  
Но эз во аслас гортө том ёрт:  
Пуктис олөмсө миян шуд вөсна...

Коляс-прөйдитас зэв уна во,  
Вежас миянөс выль йөз — выль петас.  
Но оз вун налөн сиктса том морт,  
Коді бойясын дорис победа.

## ПОРТНОЙ

Взводын вöлі пулемётчик,  
Латшкös тушаа, пельк морт,  
Öкуратнöй, сюсь наводчик,  
Миян радейтана ёрт.

Нимыс—Ваня, овыс — Лучкин,  
А профессия — портной.  
Қор войналөн гым шы кучкис,  
Лои энотны сэк ной...

Уна тышö ськөд ветлім.  
Татшөм ёртыдкөд он вош.  
Смертьыс мынлім, пикысь петлім, —  
Врагтö полөмөн он босьт.

Писькös, весел мортөн вöлі  
Миян взводса удал Вань;  
Но бой дырйи лоліс чөлөн  
Мугов сардмөм чужөмбан.

Лента бөрся лента лэдзис,  
Скөрысь таргис пулемёт,  
Гадьяс пөвстө страх век көдзис:  
«Чөрт, мый корсин, сійөс босьт!»...

Но, а шойчигөн, бой бөрын,  
Бара гажөдліс сержант,

Көть землянкаын, көть вöрын,  
Сылөн варовлун эз ям.

— Кыдз делаыс пузьö, Ваня?  
Сийö певсö лэптас: «Во!  
Талун уджалыштим шаня,  
Вурим врагöс гуг и бок!..»

Тьöзка, кисьт гвардейскöй норма.  
Водзын — зев на уна бой.  
Гуö Гитлерöс!—и гортö,  
Гашкö, бара вурны ной».

1944.

## КУДРИА ВӨР

Кудриа вөр  
Частө усьлывлө дум вылө тан,  
Частө син водзын еджыд льөм сад,  
Эзысь лентаыс юлөн.

Кудриа вөр,  
Сэні коллялі ассьым том кад,  
Сэні сьөлөмшөр, шань коми ныв,  
Винёв быдтас вой мулөн.

Коли ме горт:  
Тэкөд торйөдіс шуштөм война...  
Кымынөд во,  
Кыз эг аддзысьлөй ми, том нылөй.

Некор оз вун  
Лежнөг дзоридзөн өзъялысь бан,  
Сөстөм, мелі нюм, сьөдов синтас,  
Көть и вывті ме ылын.

Өні со лөнь,  
Оз кыв миналөн шуштөм, лөк шум,  
Ерткөд пукалам, төлкуйтам ми,  
Аски водз — наступленьє.

Шогө эн усь —  
Ог өд первойысь враг вылө мун.  
Тэнад радейтөм, менам смеллун  
Смертьысь видзасны менө.

Весасяс вой,  
Югьд шондыс сьвкнитас бөр,  
Уна герой  
Ылысь воас и карö и грездö;  
Воа и ме,  
Виччысь воинöс тэ, сьöлөмшөр,  
Тэнö топыда кутла ме сэк  
Аслам пöсь сьöлөм бердö.

1945.

## ПОБЕДА

О, шуда лун, Победа лун!  
Тэ нимөн тыш и удж ми йитім.  
Став морөстырнад лолышт, му:  
Проклятой врагос разгромитім!

О, ыпъяв тэ, Победа би!  
Страна советской торжествуйтө!  
Нель во чөж тышкасимө ми,  
Берлинөдз муніг сьökыд туйті.

Кык мича тувсов му и ва,  
Гөрд знамясөн ворсө сынөд.  
Салютөн чествуйтө Москва  
Ён русской мужестволысь вынйөр.

Тэд слава, сталинской салдат!  
Тэд слава, уджын победитель!  
Тэд помтөм слава, Сталин бать,—  
Народлөн гений, вождь, учитель!

1945, май 9-өд лун.

## МИЯН ГӨЛӨС

Эг на вунөдө сийө став лёксө,  
Қодөс вайис фашизмкөд война,  
Уна аддзылім сэки ми шогсө.  
Биын ыпьяліс миян страна.

Қазытышт бой вылын усьөмъяс йылысь,  
Жуглөм сиктъяслысь, каръяслысь лыд;  
Мыйта мучитчөм нуим ас вылын,  
Қымын морт, кызди ме, инвалид...

Но ми вермим фашистскөй лёк гадөс,  
Правда Сталинлөн пасьвартіс смерть!  
Мирнөй удж пыртө сьөлөмө радлун,  
Вайө олөмө унджык пыр свет.

И вот бара бандитъяслөн свора  
Уолл-стрит вывсянь пөлялө ад;  
Көсйө көвъявны став йөзлы горе,  
Вирысь горшмөмла воштөма садь.

Сотчө-ыпьялө биын Корея,  
Зверьяс гыж улын пессьө Тайван.  
Трумэн ыстө войска и оружье,  
Медым өзтыны мирын война.

Став преступниклы помтөм проклятье  
Скөрмөм сьөлөмсянь шуамө ми:  
— Энө суйө йөз муө пеж лапа,  
Убирайтчөй Қореяысь ті!

Просчитайтчасны вир юысь понъяс —  
Вывті чорыд йөз скөрлунлөн вал.  
Вештам мир весьтысь атомной бомба!  
Врагөс—Гитлерлөн суас судьба.

Коммунизмлөн тан дзирдалө асыв,  
Лун-лун паськалө сылөн яр би.  
Ставөн пуктімө ми кырымпасъяс,  
Медым мир пасьта ёнмөдны мир!

1950.

## А. С. ПУШКИНЫ

Чудесной стихъяс тэнсьыд коми сиктын кылі,  
Кор котравлі на школаө, и сэксянь пыр  
Сөдз, югыд идеальяс йылысь гора сьылөм  
Мем вайö радлун морöстыр.

Поэзияыд тэнад сэтшөм вына, яснөй,  
Кыз ачыс русскөй кыв да мездмөм  
русскөй морт.  
Тэ ылысь адзин зэв: тан пуксис тувсов  
асыв,  
Тыр шудөн лолалö народ.

Век том да мича тэнад лучезарнөй муза,  
И сийöс уважайтö став странаса йöз,  
Быд нациялы Русьын дона тэ и муса,  
Тэ налөн радейтана гөсть.

Поэтлөн, гижысьлөн удж миян ыджыд  
честьын —  
Народлы служитöны найö, кыз и тэ,  
И дружной хорын тэнад нэмтөм мича  
песня  
Век сявкйö благороднөй свет.

1949.

## 1946 ВОӦ ПЫРИГӦН

Выль воӦн, ёрт!  
Выль вермӧмъясӧн уджын!  
Выль вынъяс тэныд  
Сиа ме, выль шуд!  
Со бара ми  
Пӧсь кадлысь коласт вуджим.  
Со бара ыджыд кытшов  
Вӧчис му.

Оз миян вун,  
Оз вун нелямын витӧд!  
Оз вевтты сійӧс  
Кадыслӧн кыз пласт.  
Победнӧй во  
Пыр койны кутас бисӧ,  
Кыз зарни шондӧ,  
Помтӧм вынлӧн пас.

Войналы пом!  
Лӧк вынсӧ венӧс бурыс.  
Россия водзын  
Уси подлӧй враг.  
Став мирын мир!  
Ми, честнӧй войтыр, шуам,  
И сійӧ лозунг кылӧ  
Став му шар.

Выль во—выль мог!  
Удж фронт вылын выль бойяс:

Снарядён гөрём мулысь  
Вежны бан  
Да бурдодны  
Войнаён вочём дойяс,  
Мед олём лоис  
Вөвлытём на шань.

Ми тэкөд, ёрт,  
Эг повлөй сьökыд водзын,  
Ас вирён дорйим  
Сталинскöй страна.  
Став вын, став сям,—  
Выль волы медбур козин,—  
Ми сетам тэд,  
Отчизна—дона мам!

Оз янөд юр  
И таво мян Коми —  
Вок котыр костын  
Славнöй юбиляр.  
Зэв озыр му!  
И тані помсянь помөдз  
План тыртём вöсна  
Уджлөн содö жар.

Медпервой кыв  
Выль вося пызан сайын  
Ми шуам сылы,  
Коді сетіс шуд:  
Мед олас мян гений,  
Мудрöй Сталин,  
Став кыла йөзлөн  
Медбур ёрт и друг!

## БРИГАДИРЛӨН СЫЛАНКЫВ

Розъяв жө бура тэ, сүөй,  
Колис нин вель ылө май.  
Паськыд колхозной бур муой,  
Озырөс вай урожай.

Тыр шептөдз вын чукөрт уна,  
Саридз моз гыалысь сү,  
Өнi, вуй вoйталан лунө,  
Олөмтө кыпыда ну.

Сьөлөмөс гажөдан менсьым:  
Тушаыд тэнад зэв кузь...  
Кышакыв, төвныркөд венсьы,  
Зумыда сулав, эн усь.

Ас быдтас вөснаыс кыдзи  
Дугдывтөг төждысьө ань,  
Тэ вөсна төждыся сідзи,  
Быдмин мед мича да шань...

Розъяв жө бура тэ, сүөй,  
Колис нин вель ылө май.  
Паськыд колхозной бур муой,  
Озырөс вай урожай.

1948.

## ПАША-БРИГАДИР

Гажаа колхозной муно пир,  
Общой шудлон ставлы тырмо пайыс.  
Талун получит бригадир  
Уна аттыо ыджыд урожайысь.

— Да, Васильевичным аддзо уджлысь лад,  
Сьоллом ломзю, некодыр оз ваймыв...

— Коты и том на, вежорыс зев садь...—  
Сернитоны озыр пызан сайын.

— Сысянь нютчыл эг на кывлы «ог»...

— Веськыд ки колхозын сийо мян,  
Кыдзи честной воин, портю мог...

— Аттю, кутшом сюсьось онъя пьян!..

— Сэтшюми советской мян нэм!—

Зон сэк вочавидзис.— Честысь—аттыо.

Комсомолец сы выло и эм,

Пыр мед лоны водзын, побеждайтны!..

Гажаа колхозной муно пир,

Лэбалоны кыпыд сыланкывьяс,

Гудюкасью Паша-бригадир.

— Ворс вай полька!— стокъялоны нывьяс.

Ойю зонлон чужом вылас мич,

Любо сийю уджысь сиктын ставлы.

Татшом йозос радейтлис Ильич,

Татшом йозлысь кисо кутло Сталин.

## ВИДЗА ОЛАД!

Гортö волöм кадсянь кык во öкмис.  
Видза олан, менам муса сикт!  
Морöс пытшкын радлун дзулькйөн йöктö,  
Корö гижны гора кыпид стих.

Асья шондi ломзьö зарни цветөн.  
Жаворонк кисьтö сьыланкыв.  
Сенькамуö öзим шöвк кодь петём,  
Нюдз веж рёмён гыалö ыбвыв.

МТС-лөн сталь вöv, кылö, мургö,  
Выль му вöчö—нетшкö ягысь мыр.  
Сылы сиктын уджыд майбыр сюрö —  
Öтув олём гажсö содтö пыр...

Кышакылö öшинь улын льём пу,  
Помтöг дзольгö-сьылö воръя шор.  
Танi коркö уявлывлi кöмтöг,  
Дöра гача вильыш дзоля морт...

— Видза олад, бать, и мам, и чойяс!

— Видза олан, миян муса пи!

(Эг на кöть ме ветлы уна вояс,  
Менсьым ёна топöдлісны ки.)

Гортсаяслөн бырöма нин гажыс,  
Дзоля чойлөн тшöтш жö петіс нюм.  
Уна сёрни пансис—выльыс, важыс,  
Радлун мича, кызди гождя лун,

Эг и төдлы — самөвар нин пузьом,  
Авья мамным кисьталө пось чай.  
Изыан сайө батькөд орччөн пукси.  
— Нурьясь, пиө, кольк со, нөк, со яй...

Эз вөв татшөм вайдөр миян олөм,—  
Бательн висьтыс кысьбө юигсор,—  
Уджалысь гөль йөзлы вөлі сола  
Сьод царизмлөн зывөктана строй.

Ичөт дырйи корлі, тшыгла висьлі,  
Сэссия Богослов да фронтвывса окоп.  
Весиг грамота эз тырмы гижны письмө,  
Лыдпас велөдысьөн вөлі верст лыд столб..

— Мый нө тэ, Петрович, бара важсө? —  
Терпитны эз вермы, шуис мам.—  
Важнас ставсө торкан талун гажсө,  
Өнъя йывсьыс лучше сёрни пан.

— Чөвлы, чөвлы,— вочавидзис батьө,—  
Сийө миян томйөзлы урок...  
Өнитө колхозын вывті лада,  
Дивья овны, кодыр абу шог...

Дыр на варов сёрни миян муніс.  
Кышакыліс өшинювса сад.  
Стенсянь ставным вылө мелі нюмөн  
Видзөдіс великөй Сталин бать.

1937.

## ЮГЫД

Медым дзужгö-кывтö шуга,  
Медым чизыр войтöв дурö,—  
Сьöлöм вылын менам югыд,  
Бытьтö крепость босьтiм штурмöн.

Кöртвом пунктiм ретив юлы,  
Талун лэдзимö турбина —  
Нöшта öддзис олöм пульсным,  
Уна важлөн усьö чиныс.

— Аддзан, карын кодь дзик, пиö,—  
iШуö менам пöрысь мамö.—  
Лöсьыд овны татшöм биөн,—  
Токсö вартны доддяламö...

Арся войыс лун кодь югыд,  
Эзысь чарла шемöс дзоргö.  
ГЭС-өн веськöдлö смел другöй,  
Кодкöд бойö ветлiм коркö.

Кутшöм вежсьöм, кутшöм босьтчöм  
Тан — колхознöй дружнöй сиктын!  
Мыйта мичлун уджным осьтö!  
Рад ме чолöмавны стихөн  
Коммунизмлань дзик быд оськов.

1949.

## МЫЙЛА?

Мыйла сійӧс радейта ме ёна,  
Муслун некор сы дорӧ оз ям?  
Мыйла сійӧ меным сэтшӧм дона,  
Сӧдзью дорса веж кудриа Вань?

Тувсов кадын льӧм пу дорын сійӧ  
Ӧзтіс менсьым муслун — бурлак морт.  
Медся дошлӧй вӧлі зонъяс пиын,  
Ворсіс сэтӧр синъясас задор.

Бурӧ некор йӧз водзын эз пуксьыв,  
Быдӧн ськӧд варовитны рад,  
Лов вылас мый кутіс, сійӧн юкис...  
Ӧдйӧ ськӧд прӧйдитлывліс кад!..

Кӧдзӧдны эз вермыны скӧр вояс,  
Ещӧ муса лон сійӧ мем:  
Бойын дорйис чужан муӧс збоя,  
Честь салдатлысь вылын кутіс сэн.

Вождьянь сылы — уна благодарность,  
Быд бур йӧзсянь — уна ошкан кыв.  
Сӧвесть сылӧн сӧстӧм, кызди зарни,—  
Оз вӧй ваӧ, би вылын оз сыв...

Кыз нӧ татшӧм прамӧйӧс, он радейт?  
Кыз нӧ сылы сьӧлӧмтӧ он сет?  
Мортыс авъя, мортыс вывті лада...  
Некор дзик оз кус любовь-сӧвет.

## КОР НИИ БАРА

Милӧй гижӧ меным Сыктывкарсянь:  
«Локта сэк, кор потас пулӧн кор...  
Виччысь, акань, виччысь, варов,  
Пӧся кутла — сьӧлӧмбердса ёрт...»

Кыпыдлуной — тэрыб тувсов лэбач,  
Чужӧм вылын ворсӧ мелі нюм.  
Тэрмась, тэрмась, — кадыс лэбӧ,  
Разрешитны колӧ уна дум.

Тулыслысь он сюркняв паськыд сывсӧ,  
Муным пӧрччӧ воймӧм тӧвся пась.  
Донсӧ тӧдам сетӧм кывлысь:  
Важӧн нин бригада кӧдзны дась.

Войвывлысь капризъяссӧ ми венам,  
Миян кийн — тӧдӧмлун и труд.  
Ставыс збыльмӧ югыд нэмын —  
Быдтам-быдтам зарни шепта шуд!

Кор нин бара, кор нин бара потас  
Ӧшинювса кыз пу вылын кор?  
Регыд потас — милӧй локтас,  
Сялькӧдчӧ нин изъя визув шор.

1949.

## АТТӨ, КУТШӨМ ВӨЛӨМА

Аттө, кутшөм вөлөма  
Тайө нывка —  
Өзтис менсьым сьөлөмөс  
Сьыланкывйөн:

«Быд лун водзө, водзө мун,  
Юр эн өшөд,—  
Вермөм сайын долыдлун,  
Сьөлөмшөрөй».

Уна керөс волевліс  
Туйяс вылын,  
Но век мекөд ветывліс  
Гажа сьылөм:

«Быд лун водзө, водзө мун,  
Юр эн өшөд,—  
Вермөм сайын долыдлун,  
Сьөлөмшөрөй».

Эжва дорө пуксьыштлам,  
Муса другө,  
Пось удж бөрын сьылыштам,  
Верс вай, гудөк:

«Быд лун водзө, водзө мун,  
Юр эн өшөд,—  
Вермөм сайын долыдлун,  
Сьөлөмшөрөй».

## ТӖЛЫСЬ НЮМЪЯЛӖ

ГӖгрӖс чужӖма да  
Мелі нюм бана  
КывтӖ енэжті  
ТӖлысь — зэв шань.  
Рытыс ышмӖдӖ да  
ЛовтӖ кыпӖдӖ.  
ВорсӖ кыз дорын  
Гора баян.

Варов зонъясыс да  
Долыд нывъясыс  
Ывла петӖмась,  
СолькъясьӖ гаж.  
ТомйӖз сьылӖны да  
ТомйӖз йӖктӖны,  
Воча шыалӖ  
Юсайса яг.

«Ми колхозъясын да  
Парма-вӖръясын  
Ӗтув кыамӖ  
Збой уджлысь гор.  
Миян зонъяслӖн да  
Миян нывъяслӖн  
Шуда олӖмыс  
Оз радейт нор.

Чужан мунымлы да  
СійӖ кыптӖмлы

Сетам ассыным  
Биа пось вын...  
Том задорон да  
Уджо муслунон  
Миян томйозлон  
Сьолонныс тыр...»

Гогрөс чужома да  
Мелі нюм бана  
Кывтө енэжті  
Төлысь—зэв шань.  
Войыс ышмөдө да  
Ловтө кыпөдө.  
Век на кыз дорын  
Ворсө баян.

1935.

☆ ☆ ☆

Дзор төлысь уялө лөз юын,  
Льом кусткөд вашкөдчө лунтөв.  
Зэв рад, мый, донай, тэ шуин:  
«Мед збыльмас миян ыджыд мөвп!»

1939.

## ШОНДИ ЛЭЧЧИС

Шонди лэччис. Воим лоскысь.  
Садным лөня кышкө мойд.  
Петав, тэрмась, сьөлөм косьтысь,—  
Пышъяс регыд югыд вой.

Гудөк лада ворсө, кылө,  
Киссьө сьыланкывлөн гор.  
Муса зонлысь, муса нывлысь  
Страдна уджыс гаж оз торк...

Песня сьылис. Гөгөр лөнис.  
Шлывгө Сыктыв, рам и чөв.  
Асыввылын алөй вöньөн  
Мичмө енэжлөн лөз шөвк.

1930.

## ВОРС ВАЙ, ГУДӨК

Муса другой, босытлы гудок,  
Сявкнит переборьясөн.  
Сылам, сылам олөм шудос,  
Медым вөр-ва горалө.

Шөвк кодь мича пуксис луныс,  
Милөй гөрө тракторөн.  
Уджын медводзын ми мунам —  
Лөсялам характерөн.

Некор дзик он сувтөд мусө,  
Шондисө он тупкы, он.  
Ваөн сьөлөмтө он кусөд,  
Кодыр мусаммис тэд зон.

Том кад коллявны ми кужам,  
Том кад некодыр оз вун.  
Радейтчөмысь, кызди уджысь,  
Менам сьөлөмөй оз ум.

Ёна тшапитчө зэв Костя,  
Менам ньоти веж оз пет:  
Сылөн кыв да делө костын  
Лоо куим километр.

Песня, шевкнитлы тэ бордтө,  
Гажлун морөсө оз төр.

Ордйысьӧмӧн кадсӧ ордйим —  
Сетім планысь вывті вӧр.

Эжва юлӧн шыльыд веркӧс,  
Дзирдӧн ворсӧ сылӧн мич.  
Буксируйтам зарни керсӧ,  
Ыстам Рӧдиналы ми.

Кутшӧм лӧсьыд талун рытыс,  
Алӧй кыа ломзьӧ дон.  
Ёна кок пыдӧсӧй лудӧ —  
Менӧ клубӧ корис зон.

Вӧльнӧй муын олам-вылам,  
Вывлань кыптам-кыптам пыр,  
Кажитчис кӧ миян сьылӧм,  
Асьныд сьылӧй йӧктігтыр.

1949.

## ЧИКЫШ МОЗ ЛЭБИСНЫ ВОЯС

Чикыш моз лэбисны вояс  
Олөмын тувсовъя кадө,  
Тэрыбөсь вөліны войяс,  
Лунъясыс кыпидөсь, радөсь.

Помнитан тэ, муса другө,  
Рытгорув удж вылысь локтан,  
Кылан, кор сявкнитас гудок,  
Важөн нин кыпйөдлан коктө.

Кысь нө тэ сьөлөмтө венан?  
Тэрыба ывлаө петсьө.  
«Рынышyd сотчө мөй тэнад?» —  
Шпыньмуниг мам шуас сэтчө.

Нывзонлөн ворсөдчө серам,  
Гаж панны оз тай ков тшөктөм,  
Кысьөны мичаник серөн  
Өтлаө сьылөм да йөктөм.

Он төдлы — котөртө кадыс,  
Петук нин чуксасьө, кылө,—  
Гөлөссө воштіс двухрядка,  
Томйөзлөн горалөм сылө.

Тэсө век сёрнитан нывкөд,  
Янсавны некыз он вермы,

Крепыд зэв муслунлөн тывйыс.  
Эх, олөм мичмөдысь берба!

Вөр сайсянь том шонді кыптө  
(Удитас узыны тай коркө).  
Садьмавны мөдисны сиктын,  
Кад нин, кад пырны тэд гортө...

Аскинас ог нин пет, шуан,  
Чөскыд ун торкасны кодыр.  
Рыт воас — бара нин пуан...  
Біджыд тэд, том кадөй, копыр!

Ар көть нин олөмө воис,  
Вывті мем мусаөсь томйөз.  
Казьтыліг лэбыштөм вояс  
Сьөлөмөй тулысөн ломзьө.

1945.

## ВЫЛЬ ПОДВИГЪЯС ВӖСНА

Восьласа миян збой олӧм.  
Выль во нин бара со дзоргӧ.  
Сы кузя биа-пӧсь чолӧм  
Ыста ме тӑныд, зиль ёртӧй.

Став бурсӧ талун ме сиа —  
Водзӧ век быдмыны-туны,  
Кызди смел олӧмным миян,  
Кызди сӧветскӧй став муным.

Велӧдчы, сьӧлӧмсянь уджав,  
Выль туйяс уджын пыр корсяв:  
Кольӧм во славнӧя вуджин,  
Выль воын — важсясӧ ордйы!

Унджык пыр вӧчны народлы  
Вунӧдтӧм вылӧ бурторьяс —  
Тайӧ закон миян мортлӧн,  
Таын и шудлунным, ёртӧй!


Подвигъяс вӧсна бокалӧс  
Радпырысь лӧпта ме, другӧ,  
Сиа выль шуд тӑныд талун  
Олӧмын, муслунын, уджын!

1950.



## О Г Л А В Л Е Н И Е

Чудесной Родина . . . . .	5
Майбыр овны . . . . .	7
Миян праздник . . . . .	8
Первомайской . . . . .	9
Вунодлытом лун . . . . .	10
Республикаой менам . . . . .	13
Чужан му . . . . .	16
Партиялөн пи . . . . .	17
Оз нин гажодлы нывъясос Вась . . . . .	19
Портной . . . . .	20
Кудриа вөр . . . . .	22
Победа . . . . .	24
Миян гөлос . . . . .	25
А. С. Пушкинлы . . . . .	27
1946 воо пыригөн . . . . .	28
Бригадирлөн сыланкыв . . . . .	30
Паша-бригадир . . . . .	31
Видза олад! . . . . .	32
Югид . . . . .	34
Мыйла? . . . . .	35
Кор нин бара . . . . .	36
Аттö, кутшöм вöлöмг . . . . .	37
Тöлысь нюмъялö . . . . .	38
Дзор тöлысь уялö лöз юын . . . . .	40
Шондi лэччис . . . . .	41
Ворс вай, гудöк . . . . .	42
Чикыш моз лэбисны вояс . . . . .	44
Выль подвигъяс вöсна . . . . .	46



Дмитрий КОНЮХОВ

**ТВЁРДОЙ ПОСТУПЬЮ**

*Стихотворения*

на коми языке

Редактор *Я. Рочев.*  
Тех. редактор *И. Оплеснин.*

---

Ц02753. Заказ № 2442. Тираж 200 экз.  
формат бумаги 70x92  $\frac{1}{32}$ -0,75 бум.  
лист. — 1,5 печ. листов. Учетно-изд.  
листов 1,8. Подписано к печати  
13/1—1951 г. Цена 1 р. 50 коп.

---

Типография Полиграфиздата  
при Совете Министров Коми АССР,  
г. Сыктывкар.

8

Домыс 1 ш. 50 кдп.

ор. 15 коп.